



Comuna de T À T A R I

**Ordinàntzia n. 110 de su
23/11/2020**

Proponente Direzione Generale

Ogetu:

MESURAS IN MATÈRIA DE CUNTENIMENTU DE S'EMERGÈNTZIA DE S'EPIDEMIA DAE VIRUS SARS-COV 2. CUNFIRMA DE S'ÒBLIGU DE IMPREU DE SAS MASCHEREDDAS PURU IN LOGOS ABERTOS E ÀTERAS DISPOSITZIONES PRO CUNTRASTARE SAS OCASIONES IN UE SA GENTE ISTAT A MUNTONE.

IL SINDACO

BIDU su DPCM de su 3 de santandria de su 2020, publicadu in sa *Gazzetta Ufficiale* n.275 de su 04 de santandria de su 2020 "Àteras dispositziones atuativas de su decretu-lege de su 25 de martzu de su 2020, n. 19, mudadu, cun modificatziones, dae sa lege 25 de maju de su 2020, n. 35, chi giughet «Mesuras urgentes pro fàghere fronte a s'emergèntzia de s'epidemia dea COVID-19», e de su decretu-lege de su 16 de martzu de su 2020, n. 33, mudadu, cun modificatziones dae sa lege 14 de triulas de su 2020, n. 74, chi giughet «Àteras mesuras urgentes pro fàghere fronte a s'emergèntzia de s'epidemia dae COVID-19».

BIDU su decretu-lege 7 de santugaine de su 2020 n.125, chi giughet "Mesuras urgentes ligadas a sa pròroga de sa deccaratzione de s'istadu de emergèntzia pro s'epidemia dae COVID-19 e pro sa continuidade operativa de su sistema de allerta COVID, e puru pro s'atuatzione de sa diretiva (UE) 2020/739 de su 3 de làmpadas de su 2020";

BIDU su DPCM 7 de cabudanni de su 2020 publicadu subra de sa G.U. n.222 de su 7 de cabudanni de su 2020 "Àteras dispositziones atuativas de su decretu-lege de su 25 de martzu de su 2020, n.19, chi giughet mesuras urgentes pro fàghere fronte a s'emergèntzia de s'epidemia dae COVID-19, e de su decretu-lege 16 de maju de su 2020, n.33, chi giughet mesuras urgentes pro fàghere fronte a s'emergèntzia de s'epidemia dae COVID-19;

BIDU su decretu-lege 30 de triulas de su 2020 n.83 "Mesuras urgentes ligadas cun s'iscadèntzia de sa deccaratzione de emergèntzia pro s'epidemia dae Covid-19 deliberada su 31 de ghennàrgiu de su 2020" che perlongat a su 15 de santugaine de su 2020 sos tèrmines de sa deccaratzione de emergèntzia pro s'epidemia dae Covid-19;

BIDU su Decretu-lege n. 19 de su 25 de martzu de su 2020, gasi comente mudadu dae su mentovadu Decretu Lege 30 de Triulas de su 2020 n.83, publicadu in sa G.U. n.79 de su 25 de martzu de su 2020 chi giughet "*Mesuras urgentes pro evitare sa difusione de su COVID-19*", chi disciplinat sas mesuras de adotare pro controire sa difusione de su COVID-19 cunforma a sos critèrios de adequatesa ispetzifica e printzipios de proporzionalidade a s'arriscu presente a manera efetiva subra partes ispetzificas, puru subra de totu su territòriu natzionale;

BIDU s'articulu 117 de su Decretu Legislativu 31 de martzu de su 1998 n.112, in matèria de cunferimentu de funtziones e còmputos amministrativos de s'Istadu a sas regiones e a sos entes locales;

TENTU CONTU de su Decretu-Lege 16 de maju de su 2020 n.33, mudadu, cun modificatziones, dae sa lege 14 de triulas de su 2020, n.74, chi giughet "Àteras mesuras urgentes pro fàghere fronte a s'emergèntzia de s'epidemia dae COVID-19».

RECRAMADAS sas Deliberas de su Consìgiu de sos Ministros de su 31 de ghennàrgiu de su 2020 e de su 29 de triulas de su 2020, cun sas cales est istadu declaradu s'istadu de emergèntzia in su territòriu natzionale relativu a s'arriscu sanitàriu ligadu a su cumentzu de una maladia chi derivat dae virus chi si podent trasmitere;

ESAMINADA s'Ordinàntzia de su Ministèriu de sa Salude de su 16 de austu de su 2020;

BIDOS sos provvedimenti adotados dae su Presidente de sa Giunta de sa Regione Autònoma de Sardigna;

BIDA sa deelaratzione de s'Organizatzione mondiale de sa Sanidade de s'11 de martzu de su 2020 cun sa cale s'epidemia dae COVID-19 est istada valutada comente "*pandemia*" in consideru de sos livellos de isparghidura e gravidade segudados a livellu globale;

CONSIDERADU s'evoluzione de sa situazione de s'epidemia a livellu internazionale e su caràtere difusivu a manera particolare de s'epidemia dae COVID-19;

BIDA s'oportunidade de s'ordinàntzia sindacale pro minimare sa possibilitade de difusione de su virus SARS-COV -2 determinada dae presèntzias medas e possibilitade chi sas persones istent totu umpare siat in logos serrados siat a s'ària aberta;

RITÈNNIDU de dèvere integrare dispositivos oportunos e de amparu pro adotare trastes eficatzes in relata a sas particularidades chi caraterizant custu territòriu, bida s'evoluzione e s'arriscu de crèschida de sa cundidura in s'ùrtimu periodu;

TENTU CONTU de sa netzessidade de ricùrrere a su poderiu contingibile e urgente, pro cuntrastare sa difusione de s'emergèntzia de s'epidemia, adotende mesuras eficatzes de cuntenimentu de sa difusione de su virus, pro amparare sa salute de sos tzitadinos;

RILEVADU chi pro cuntènnere sa difusione de s'emergèntzia de s'epidemia e puru a tutela de sa tzitadinàntzia prus dèbile, diventat essentziale prus de in antis pònnere in campu sas atziones prus intzisivas pro evitare sos cuntatos tra persones e chi pro custu est fundamentale cunfirmare s'òbligu de s'impreu de sa mascheredda siat in logos serrados siat a s'ària aberta;

BIDU s'art. 32 de sa lege 833/1978 chi atribuit a su Sìndigu, in calidade de autoridade sanitària locale, cumpetèntzias in matèria de adozione de provvedimenti a tutela de sa salute pùblica;

BIDA sa lege 689/1981;

RECRAMADU su D.Lgs n.267/2000 in sa parte in ue disciplinat sos mandos de su Sìndigu, e in particolare s'art. 50 de su decretu mentovadu in subra;

RITÈNNIDU ùtile e netzessàriu garantire unu livellu de amparu e distantziamentu sotziale pro cuntènnere sa difusione de s'epidemia mentovada in su territòriu de sa Comuna de Tàtari;

LEADU ATU de sos primos, si puru minimos, sinnales istatísticos, de cumintzu de eficatzidade e de restritziones finas a como adotadas, in tèrmines de rallentamentu in sa difusione de su contàgiu, si cunsiderat de dèvere cunfirmare e afortiare in ue est netzessàriu sas dispositziones mentovadas;

ÒRDINAT

Pro sas motivaciones espressadas, abarrende firmu s'òbligu de aplicatzione de cantu apostivigadu dae su DPCM de su 3 de santandria de su 2020, a integratzione e modificatzione partziale de sas prescritziones de sas cales a sas ordinàntzias n.91 de su 14 de santandria de su 2020, n. 93 de su 18 de santandria de su 2020, n.95 de su 26.10.2020, n.100 de su 5 de santandria de su 2020, nn. 101 e 106 de su 13 de santandria de su 2020 s'iscadèntzia de su cale pro cantu non cuntrastat cun custu provedimentu est diferida a su 3 de nadale de su 2020 si disponet:

a) Sa disubbidientzia a una o prus prescritziones impostas cun ordinàntzias sindacales siat a sos titulares de sos esertitzios de ristoratzione siat a sos titulares de cale si siat àtera atividade cummertziale, considerada comente esertitziu de bighinadu, o puru comente istrutura de bèndida mèdia o manna (puru s'est a intro de unu tzentru cummertziale), abarrende firma s'aplicatzione de sa santzione amministrativa in dinari cumportat in agiunta a sas santziones atzessòrias apostivigadas dae sos òrganos tzentrales de s'Istadu, sas santziones amministrativas atzessòrias elencadas suta:

1. Pro sa prima violatzione a una o prus de sas prescritziones impostas dae sas ordinàntzias sindacales in cursu de valididade sa serrada de s'atividade pro 5 dies;
2. pro sa segunda violatzione, sa serrada de s'atividade pro deghe dies;
3. pro sa de tres violatziones sa serrada de s'atividade pro bindighi dies;
4. dae sa de bator violatziones s'aplicat sa santzione atzessòria de sa serrada de s'atividade pro trinta dies.

b) Est proibidu a manera assoluta de nde bogare o ispostare sa mascheredda, dae sa positzione curreta de amparu de su nasu e de sa buca, pro fumare in àrea pùblica, e puru in logos a s'ària aberta, in presèntzia de àteras pessones;

In casu de mancada osservàntzia de sas ordinàntzias sindacales in cursu de valididade at a s'ghire s'aplicatzione de sas santziones amministrativas apostivigadas dae s'art.4 de su Decretu Lege 25 de martzu de su 2020 n.19 mudadu cun modificatziones dae sa lege 22 de maju de su 2020 n.35, puru in combinadu dispostu cun s'art.2 de su D.L. 16 de maju de su 2020 n.33 mudadu cun modificatziones cun lege de triulas de su 2020 n.74 e de sas santziones dàbiles chi s'annanghent in prus apostivigadas dae sas ordinàntzias mentovadas in subra adotadas dae custa Amministratzione;

Custu provedimentu at eficàtzia dae sa data de oe finas a su 3 de nadale de su 2020, iscadèntzia temporale cunfirmada puru pro sas ordinàntzias nn. 91/2020, 93/2020, 95/2020, n 100/2020, nn. 101 e 106 de su 13 de santandria de su 2020; pro cantu no est disciplinadu a manera espressa agatat aplicatzione su dispostu de su cale a su DPCM de su 3 de santandria de su 2020;

Afidat a sa Politzia Munitzipale e a sas Fortzas de s'Òrdine su controllu de su respetu de custa ordinàntzia.

Custu provedimentu est afissadu a s'Albu Pretòriu de sa Comuna de Tàtari e nd'est dada publitzidade pro mèdiu de s'imprenta e pro mèdiu de su giassu internet de sa Comuna www.comune.sassari.it.

Cunforma a s'art. 3 de sa Lege n.241/90, contra a custu provedimentu est ammitidu su ricursu a su T.A.R. intro de 60 dies dae sa publicatzione de sa presente, o ricursu istraordinàriu a su Presidente de sa Repùblica intro de 120 dies.

Custa ordinàntzia est notificada a:

- Politzia Munitzipale, SEDE;
- Carabineris Tàtari (Cumandu Provintziale e Istatzione), tss29374@pec.carabinieri.it;
- Politzia de Istadu, Carrera G. Palatucci n.1, Tàtari, gab.quest.ss@pecps.poliziadistato.it;
- Prefetura, Ufitziu territoriale de su Governu, Tàtari; protocollo.prefss@pec.interno.it;
- Guàrdia de Finàntzia, carrera Gavino Pinna n.17, Tàtari, ss0500000p@pec.gdf.it;
- ATS Sardigna Tàtari, Servitziu Igiene e Sanidade Pùblica; serv.igienepubblica@pec.aslsassari.it;
- Servitziu Ispetoradu ripartimentale de sas forestas – Tàtari: cfva.sir.ss@pec.regione.sardegna.it

Tàtari, 23 de santandria de su 2020

SU SÌNDIGU

Prof . Gian Vittorio Campus



CAMPUS GIAN
VITTORIO
23.11.2020
11:45:24 UTC